



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

C. Qvondam Hildesemen. Episcopo.

urn:nbn:de:hbz:466:1-20006

Diaconum Card. deputavimus auditorem: coram quo cùm fuisset aliquandiu litigatum, & idem nobis quod invenerat fideliter rerulisset, nos rationibus utriusque partis diligenter auditis & cognitis, tibi adjudicantes Ecclesiam nominatam, ad quem de jure spectabat, te ab impecitione prædicti adversarij tui prorsus absolvimus, perpetuum super hoc sibi silentium imponentes. Nulli ergo &c. nostra diffinitionis & absolutionis &c. Datum Laterani XIII. Kalendas Martij.

C. QVONDAM HILDESEMENT.

Episcopo. [Sine salutatione.]

*Epist. 574.
Ne quis propria
auctoritate, sine
consensu Papæ,
ex una Ecclesia
in aliâ migreret.
Vide supra epist.
335.*

Quod tibi apostolicae salutationis alloquium denegamus, non ex malevolentia nostra procedit; sed cùm olim præter auctoritatem apostolicae sedis, ad quam cessiones, depositiones, & translationes Episcoporum spectare noscuntur, ad Heripolen. Ecclesiam ab Ecclesia præsumpsisse Hildelemen. tralire, Archiepiscopis & Episcopis Alemaniae ac tibi ipsi (si tamen ad te literæ nostræ pervenerint) & tam Heripolen. quam Hyldefemen. Capitulo contra te literas curavimus destinare: quas cùm ad eos ad quos mittebantur, sicut ex relatione cursorum nostrorum accepimus, neverimus pervenisse, ab ipsis juxta tenorem ipsarum in te credimus fuisse processum. Sanè non erat nobis turum in hoc articulo dissimulare apostolicae sedis injuriam, aut privilegiorum nostrorum æquanimiter sustinere jacturam, ne dissimulatio in approbationem & tacituritas in consensum posset ab aliquibus allegari. Vnde maluimus in te, licet olim dilectum nobis, cùm in minori essemus officio constituti, aliquam exercere vindictam, quam impunitus excessus traheatur à posteris in exemplum. Miramur autem non modicum, & non sine ratione movemur, quod contra nos ausus es ponere os in cœlum, afferens quod contra te nec citatum nec convictum non fuerat sententia proferenda. Sed ecce, in quo alterum judicas, te ipsum condemnas, cùm tuum non fuerit de superiori temerè judicare, & in eo quod in excusationem tuam immo potius accusacionem nostram alleges, tertium membris omiseris, cùm in manifestis non sit ordo judiciarius requirendus. Verum utrum excessus tuus fuerit manifestus, conscientia tua relinquimus discernen-

dum, cùm non potuerit esse occultum quod tam publicè factum fuit & per totam Teutoniam publicatum. Tu etiam confessus videris de crimine, cùm in literis ad nos directis, quas adhuc apud nos in testimonium reservamus, Herbipolente præsumpsis Episcopum appellares. Nec credere de facili debuisses quod in odium tuum aut in exaltationem alicujus & depressionem alterius duximus procedendum, cùm te dilexerimus haec tenus, & adhuc etiam (nisi forsitan tuipse impedias) diligimus; & non gloriosum, sed periculosum, nobis existeret, in favorem alicujus in te proferre sententiam, aut aliquem ex malevolentia condemnare. Omni ergo excusatione cessante, si apud nos desideras gratiam invenire, mandatum studeas apostolicum adimplere; non rediens ad Hildelemen. Ecclesiam, & ab Herbipolene. recedens; ut tunc tandem, quem circa te in hoc etiam geramus affectum, evidenter agnoscas.

NOBILI VIRO VV. COMITI
Casertan.

Licet haec tenus inter ceteros Principes regni Siciliae specialem de nobilitate tua fiduciam haberemus, nunc tamen prudentiam tuam in opere manifestissime sumus experti, quæ talia nuper per Dei gratiam procuravit ex quibus honor Regis & nostrar ac regni defensio ad tuum magnificè proveniet incrementum. Accepimus enim, & pro certo tenuimus, quod Duibuldum, occultum olim nunc autem manifestum persecutorem Regis & regni, non sine magna discretione ac prudentia captum vinculis tradidisti, qui potentior erat in regno quam Marcoualdus Dei & Ecclesiae inimicus, immo etiam sine cuius favore dietus Mar. nec ingressum nec progressum in regnum aliquatenus habuisset. Cùm igitur te & posteritatem tuam securaram in hoc Dominus præviderit exaltandam, nobilitatem tuam rogamus, monemus, & exhortamur in Domino, & sub obtentu gratiæ nostræ ac debito quo carissimo in Christo filio nostro F. illustri Regi Sicilia teneris, districte præcipimus quatenus facta tibi à Domino gratia prudenter utaris, nec des honorem tuum alij, nec gloriam tuam participes alienis. Nos enim tam in honoribus quam terra & aliis quæ à nobis duxeris postulanda, nobilitatis tuæ potentiam dante

Domino

*Epist. 175.
Vt capio Regis
& regni Siciliae
hostes diligenter
estudior, legique modestie
gerat.*